

## Даалгъвран кўцәджәнә

Өвс хадлгън эклхд Каспийск района „2-я пятилетка“ колхозд хойр бригад бұрдәгддж, өвс эклдж хадла. Нег бригадинь ур В. Корнев, наадкинь— ур Кокшаев гардджана.

Хадлгъна тўрун өдрмүдәснь авн эн хойр бригад хоорндан социалистическ дөрлдә кецкәлә. Дөрлдәнд, өдрә даалгъвран 140—170 процент кўргдж кўцәх болдж эн бригадин механизатормуд ўгән өгцхәлә.

Өдгә цагт эн бригадс келсн ўгдән кўрәд, шунмгъа кевәр кōдлдж йовцхана.

1510 гектар газрт колхоз өвс хадх бәәснәсн минъгъ гар гектаринь хадад, 650 тонн шимтә өвс хурагъад авчкв. Колхоз ода өвсиг тенъгс-усна кōвәгъәр хаддж йовна. Энд өвснь йир никт, гектараснь 9—10 центнер өгчәнә. Болв одачн скирдлгдәд уга 300-шаху тонн өвсн колхозин теегт кевтнә. Ода механизатормудин өмн бәәх чинртә кергнь—хадсн өвсән хур-чиигт норгълго, дарунь, кевтнь хурадж авх тōр.

С-Г. ГОШЕНДАНОВ.